



Podvodači se izjašnjavaju o krivnji

Karahasanović, Hodžić i Aksoj se terete za međunarodno navođenje na prostituciju i pranje novca

Za 13. oktobar u Sudu BiH je zakazano ročište za izjašnjenje o krivnji u predmetu Alija Karahasanović i drugi, koji se terete za međunarodno navođenje na prostituciju, pranje novca i posjedovanje i omogućavanje uživanja opojnih droga, a koji su uhapšeni u akcijama Twins i Pismo.

Tužilaštvo BiH je protiv Karahasanovića, Jasmina Hodžića i državljanina Turske Atila Aksoja podiglo optužnicu 4. septembra koja ih tereti da su tokom 2015, 2016. i 2017. u BiH i Hrvatskoj stupali u kontakt sa djevojkama mlade životne dobi, koje su se nalazile u teškom imovinskom stanju i socijalnom položaju, te su ih navodili,

nagovarali i podsticali na pružanje seksualnih usluga za novac. Organizirali su pružanje tih usluga u Austriji i Njemačkoj.

Potom su izrađivali profile djevojaka na internet-stranicama na njemačkom govornom području, u njihovo ime komunicirali sa potencijalnim klijentima na njemačkom jeziku, te dogovarali datume, vrijeme i mjesto pružanja seksualnih usluga. Njihove usluge su oglašavane na internet-stranicama koje u izvornom prevodu glase "kupi me".

Istragom je utvrđeno da je počinjenjem krivičnih djela ostvarena nezakonita imovinska korist u iznosu većem od 350.000 eura, navodi se u optužnici Tužilaštva BiH.

D. P.



Uhapšeni u akcijama Twins i Pismo privođeni u SIPA